


E OBISPO ARUBIANO

Mgr Antonius Lewis Jacob Thielen van der Veen Zeppenfeldt O.P.



Den historia di Ordo di San Dominico, por conta cu e prome homber di e islanan di Antias Hulandes, cual awor no ta existi mas, especificamente e Isla di Aruba ta bira pader den e ordo religioso aki, prome vicario provincial local di Ordo San Dominico cual ta den mishon pa e islanan y despues e prome obispo local tambe.



Antonius Lewis Jacob Thielen van der Veen Zeppenfeldt ta su nomber y e ta nace dia 11 oktober 1891 na Aruba. na edad hoben e ta bai Curacao y biniendo di mayornan di bida di fe profundo, nan ta steun e pa asina e contesta na su yamada pa bira sacerdote, asina e ta bai


Hulanda na Dominicus College na Nijmegen. Na September 1911 e ta hasi su entrada na klooster na Huissen, y dia 15 di augustus 1918 e ta bira "Fray Antonius" y ta keda ordena sacerdote, birando asina esun di prome como local antiyano(arubiano) cu ta dreña Ordo San Dominico. Despues di forma lihe, ariba dia 8 di juni 1919, ya como sacerdote, e ta bolbe pone su pianan ariba e suelo di Curacao, caminda e a traha como pastoor den diferente parokianan. Despues di 17 anja ariba 13 di Juli 1936, e ta keda nombra como Vicario General di e ordo di dominiconan y despues di 12 anja, ariba 11 di November 1948, e ta keda nombra como Vicario Apostolico y despues di un luna e ta keda ordena obispo ariba dia 30 december 1948 pa Mgr Alfred Pacini, e Nuncio Apostolico di Haiti y Santo Domingo, cu asistencia di Mgr Patrick Ryan O.P. Arzobispo di Port of Spain y Mgr Stephanus Jozef Maria Magdalena Kuypers, C.S.S.R. cual tawata Vicario Apostolico di Suriname. Pater Zeppenfeldt, ta bira e prome homber local, danki na trabou misionero di Ordo San Dominico, e prome arubiano de ordo, cual tambe a traha na Aruba su isla natal. Di Aruba te cu ainda, y despues di hopi anjanan di trabou grandioso di e padernan O.P. no a produci ningun otro sacerdote local mas pa e Ordo, aunque tin un hoben di Aruba cu a caba di dreña noviciado na Colombia, kende su nomber ta Igmard Maduro. Ami mes a keda inspira y anima vocashionalmente pa Pader Johannes Bouwman O.P., ex pastoor di Brasil, Playa y Dakota, pero pa razonan cu mi mes no ta comprende, mi no a forma parti di e Ordo di Predicadornan, pero mi ta gusta predica si! Korsow si a produci un broeder y algun sacerdote, cual ta Pader Rudy Josepha O.P. den felis memoria, cual tawata un gran sacerdote pa Korsow y e a ocupa puesto di Vicario General pa Mgr Willem Ellis, Tambe e homber grandi di Parokia Santa



Mgr. Antoninus Thielen van der Veen
Zeppenfeldt O.P.

Filomena na Paradera, cual ta Pader Bertrandus Eusebius Kranwinkel O.P., Tambe Pader Albert Middelhof O.P., cual despues a bandona ministerio, tambe Pader Paulino, ex sacerdote catolico, awendia sacerdote pa iglesia angelicano na Korsow y tambe un broeder cual tawata yama Eddie Pascual Maduro, despues a laga congregacion y a bini Aruba y e tawata un locutor di toque religioso na radio Antillana 1270 A.M.

Bai bek pa Mgr Van der Veen Zeppenfeld na efecto di su ordenashon, ta haya un titular di un obispado cu no ta existi mas, esta Bisdóm di Acolá (Achollitanus). Acholla ta keda na parti zuidoost di Cartago na Noord Africa. Tur sacerdote cu ta bira obispo, si e ta un Vicario Apostolico, es decir na cabez di iglesia na paisnan den mishon, of ta bira obispo auxiliar, of cuajutor ta bira titular di un obispado cu no ta existi mas. Den e tempo ey Curacao tawata un lugar di mishon y e no tawata un obispado ainda. Mgr Van der Veen Zeppenfeld tawata un homber cu a traha duro, y bou su mandato hopi parokianan nobo a keda funda, manera Santa Filomena na Paradera, Cristo Rey na Brasil na Aruba, La Birgen di Fatima Suffisant, La Birgen di Altagracia na Steenrijk, La Birgen di Coromoto na Zjaro na Curacao y tambe La Birgen di Coromoto na Bonaire. Tambe e a aporta durante e planan pa lanta parokianan di Buena Vista Curacao y di Dakota na Aruba. Mgr Van der Veen Zeppenfeld tawata fundador tambe di "Congregatio religioso apostolatus sociales Sancti Dominici." y e unico homber cu e a ordena sacerdote tawata Mgr Willem Michael Ellis, cual tawata ex pastoor aki na Brasil y Obispo despues. Di forma tempran e mester a pone fin na su apostolado episcopal pa motibo di salud y na anja 1956 ta pidi Vaticano pa nombra un obispo nobo y dia 21 di September 1956 Mgr Van der Veen Zeppenfeldt ta baha como Vicario Apostolico na edad di 64 anja y e ta muri dia 4 di July 1957 na edad di 65 anja.



POTRETNAN BIEU DI NOS PAROKIA



BENDISHONAMENTO DI KLOK DI MISA
5 JUNI 1955



MISA DI BRASIL DEN CONSTRUCCION